



## ფრაქცია „ერთიანი ნაციონალური მოძრაობის“ განცხადება

ქალაქ თბილისის მუნიციპალიტეტის საკრებულოს რეგლამენტის 38-ე მუხლის „თ“ პუნქტის გათვალისწინებით, წარმოგიდგინთ ჩვენი ფრაქციის თვალსაზრისს და გთხოვთ უზრუნველყოთ ქალაქ თბილისის მუნიციპალიტეტის საკრებულოს ოფიციალურ ვებგვერდზე მისი უმოკლეს ვადაში გამოქვეყნება:

ბიძინა ივანიშვილის პარტიის „ქართული ოცნების“ პირობებში ჩატარებულმა საპარლამენტო არჩევნებმა, რეალურად „რუსულმა სპეციალურმა ოპერაციამ“ კიდევ ერთხელ გამოავლინა ქვეყანაში არსებული უმძიმესი მდგომარეობა.

თავისუფალი არჩევნები სწორედ ის უფლებაა, რომელიც უზრუნველყოფს მოქალაქეების მონაწილეობას სახელმწიფო საქმეების წარმართვაში. ამომრჩევლის თავისუფალ ნებაზე ზემოქმედების ყველა ფორმის გამოყენებით, პარტიული ოფისებიდან მართული საარჩევნო ადმინისტრაციის მეშვეობით ბიძინა ივანიშვილის პარტია გაემიჯნა დემოკრატიულ პრინციპებს, მიიტაცა არჩევნები და 2024 წლის 28 ნოემბერს საბოლოოდ წერტილი დაუსვა საქართველოს ევროპულ მომავალს. ამ დღის შემდგომ განვითარებული მოვლენები კი, კიდევ ერთხელ ადასტურებს, რომ „ქართული ოცნება“ ისევეა შორს რეალური მშვიდობისგან, როგორც პუტინის რეჟიმი.

კატეგორიულად მიუღებელია კონსტიტუციის 78-ე მუხლის ხელყოფა, მშვიდობიან მანიფესტანტებზე ტოტალური ძალადობა, ამომრჩეველთა თავისუფალ ნებაზე ზემოქმედებით ხელისუფლების შენარჩუნება და დემოკრატიული პრინციპების უარყოფა.

ზემოაღნიშნულიდან გამომდინარე, ფრაქცია „ერთიანი ნაციონალური მოძრაობა“ აგრძელებს პროტესტს და უარს ამბობს მონაწილეობა მიიღოს ქალაქ თბილისის მუნიციპალიტეტის 2024 წლის 24 დეკემბრის სხდომის მუშაობაში, სადაც განხილული იქნება მერიის კორუმპირებული მაღალჩინოსნების, მმართველი პარტიის ინტერესებს, „ზონდერ“ ჯგუფების დაფინანსებაზე და არა თბილისელების ინტერესებს მორგებული ბიუჯეტი.

ამასთან, ვერანაირი ძალადობა ვერ გვაიძულებს დავემორჩილოთ საქართველოს

ქ.თბილისის მუნიციპალიტეტის საკრებულოს საზოგადოებასთან და მედიასთან ურთიერთობის სამსახური  
მის: ქ.თბილისი 0114, თავისუფლების 2  
ტელ: (+995 32) 299 84 17

ელ.ფოსტა: [info@tbsakrebulo.gov.ge](mailto:info@tbsakrebulo.gov.ge)  
ვებ გვერდი: [www.tbsakrebulo.gov.ge](http://www.tbsakrebulo.gov.ge)  
სოციალური ქსელი: [www.facebook.com/tbsakrebulo.gov.ge](http://www.facebook.com/tbsakrebulo.gov.ge)





თავისუფლებისა და სუვერენიტეტის ხელყოფას, პუტინის რეჟიმთან კოლაბორაციონიზმს და ევროპული პერსპექტივიდან საქართველოს დისტანცირებას.

ფრაქცია „ერთიანი ნაციონალური მოძრაობა“ გამოიყენებს კანონით მონიჭებულ ყველა უფლებას, რომ დავიცვათ საქართველოს დემოკრატიული, კონსტიტუციური წესწყობილება და ევროპული მომავალი.

თავისუფლება პოლიტიკურ პატიმრებს!

ვითხოვთ თავისუფალ და სამართლიან ახალ არჩევნებს!

თავისუფლება საქართველოს!

24.12.2024